

სახელმწიფო შესყიდვის შესახებ

ხელშეკრულება № 208

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულებას, რომელიც დადებულია გამარტივებული შესყიდვის შედეგად

ქ. ბათუმი

----- ნოემბერი 2019 წ.

ერთი მხრივ, შპს „ქ.ბათუმის რესპუბლიკური კლინიკური საავადმყოფო“ (შემდგომში „შემსყიდველი“) წარმოდგენილი მისი დირექტორის მაღხაზ ხალვაშის სახით და მეორე მხრივ, შპს „ვესტფარმ“-ი (შემდგომში „მიმწოდებელი“), წარმოდგენილი მისი დირექტორის არჩილ ბენიძის სახით, „სახელმწიფო შესყიდვების შესახებ“ საქართველოს კანონის მე-3 მუხლის „ს“ ქვეპუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების მე-2 მუხლის „ა“ ქვეპუნქტის საფუძველზე, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. “ხელშეკრულება სახელმწიფო შესყიდვის შესახებ” (შემდგომში - “ხელშეკრულება”) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. “შემსყიდველი ორგანიზაცია” (შემდგომში “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. “მიმწოდებელი” ნიშნავს პირს, რომელიც ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5. “დღე”, “კვირა”, “თვე” ნიშნავს კალენდარულ დღეს, კვირას, თვეს.
- 1.6. „შესყიდვის ობიექტი/საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანს წარმოადგენს - შპს „ქ.ბათუმის რესპუბლიკური კლინიკური საავადმყოფო“-ში არსებული ამბულატორიული დიაგნოსტიკური დეპარტამენტის ჰემოდიალიზის მიმართულებისათვის საჭირო სხვადასხვა სადიალიზაციო მასალების შესყიდვა ფასების ცხრილის (დანართი #1) შესაბამისად;
- 2.2. ხელშეკრულებით გათვალისწინებული შესყიდვის ობიექტის რაოდენობა, აღწერა და ერთეულის ფასები მოცემულია ფასების ცხრილში (დანართი №1), რომელიც თან ერთვის ხელშეკრულებას, როგორც მისი განუყოფელი ნაწილი;
- 2.3. კლასიფიკატორის კოდი: 24300000 - ძირითადი არაორგანული და ორგანული ქიმიკატები;

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს **2080,04** (ორიათას ოთხმოცი ლარი და 04 თეთრი) ლარს;
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ შესაბამის გადასახადებს.

4. ანგარიშსწორების ფორმა და ვადები

- 4.1. ანგარიშსწორების ფორმა იქნება: უნაღდო (გადარიცხვა) ეროვნულ ვალუტაში.
- 4.2. ანგარიშსწორება განხორციელდება ერთჯერადად, მოწოდებული ობიექტების შესაბამისად, მიღება-ჩაბარების (რომელსაც მიმწოდებელი წარუდგენს შემსყიდველს შესყიდვის ობიექტის მიწოდების დროს) აქტის შედგენიდან არაუგვიანეს 20 (სამუშაო) დღის განმავლობაში საგადასახადო დოკუმენტაციის (ანგარიშ-ფაქტურის) საფუძველზე (საგადასახადო დოკუმენტაციაში დამატებით მიეთითოს ხელშეკრულების ნომერი).

5. შესყიდვის ობიექტის მიღება-ჩაბარების წესი

- 5.1. „შემსყიდველი“ შესყიდვის ობიექტის მიღებას მოახდენს ერთჯერადად, მოთხოვნის შესაბამისად (საჭიროებისამებრ);

- 5.2. შესყიდვის ობიექტის მიღება-ჩაბარებას ახორციელებს სათანადოდ უფლებამოსილი პირი;
- 5.3. შესყიდვის ობიექტი მიღებულად ჩაითვლება მიწოდებულ ობიექტზე გაფორმებული მიღება-ჩაბარების აქტზე ორივე მხარის მიერ ხელმოწერის დღიდან;
- 5.4. შემსყიდველის მხრიდან შესყიდვის ობიექტის/საქონლის მიღება-ჩაბარებაზე უფლებამოსილი წარმომადგენელია შპს „ქ. ბათუმის რესპუბლიკური კლინიკური საავადმყოფო“-ს აფთიაქის გამგე - გურამ სურმანიძე;
- 5.5. შესყიდვის ობიექტის მიღების და/ან საბოლოო შემოწმების შედეგად, ასევე ექსპლუატაციის პერიოდში გამოვლენილი დეფექტის ან ნაკლი აღმოფხვრას საკუთარი ხარჯებით უზრუნველყოფს მიმწოდებელი;
- 5.6. შემსყიდველი ვალდებულია ოპერატიულად, აცნობოს მიმწოდებელს გამოვლენილი დეფექტისა და ნაკლის შესახებ.

6. შესყიდვის ობიექტის მიწოდების ადგილი და ვადა

- 6.1. საქონლის მიწოდების ადგილად განისაზღვრება შემსყიდველის მისამართი (ქ. ბათუმი, ტბ. აბუსერიძის ქ. #2, აფთიაქი), სადაც საქონლის გადაცემისას სასაქონლო ზედნაღებებისა და მიღება-ჩაბარების აქტის გაფორმების მომენტიდან შემსყიდველზე გადადის საკუთრების უფლება;
- 6.2. შეკვეთის განხორციელება მოხდება შემსყიდველის პასუხისმგებელი პირის მოთხოვნით (წერილობითი ფორმით, სატელეფონო კომუნიკაციის ან ელექტრონული ფოსტის საშუალებით, შესყიდვის ობიექტის რაოდენობის მითითებით);
- 6.3. საქონლის მიწოდება შემსყიდველისათვის უნდა განხორციელდეს ერთჯერადად, ხელშეკრულების გაფორმებიდან 2019 წლის 11 დეკემბრის ჩათვლით, შემსყიდველის მოთხოვნიდან არაუგვიანეს 3 (სამი) კალენდარული დღის განმავლობაში.

7. გარანტია

- 7.1. შესყიდვის ობიექტი უნდა შეესაბამებოდეს საქართველოში და საერთაშორისო პრაქტიკაში აღიარებულ სტანდარტებს, ტექნიკურ მაჩვენებლებს და კანონმდებლობით გათვალისწინებულ მოთხოვნებს;
- 7.2. შესყიდვის ობიექტი უნდა იყოს რეგისტრირებული და ნებადართული საქართველოს მოქმედი კანონმდებლობის შესაბამისად;
- 7.3. მიმწოდებელი ვალდებულია მიწოდებიდან 6 თვის მანძილზე მოახდინოს ყველა გამოვლენილი ნაკლის აღმოფხვრა საკუთარი ხარჯებით ან ნაკლის მქონე საქონლის შეცვლა ახალი საქონლით;

8. მხარეთა უფლება-მოვალეობანი

- 8.1. შემსყიდველი უფლებამოსილია:
- ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
 - ბ) საქონლის მიწოდების დასრულებამდე გამოითხოვოს მიმწოდებლისაგან შესყიდვის ობიექტის შესახებ მისთვის საჭირო დოკუმენტი;
 - გ) საჭიროების შემთხვევაში განახორციელოს მოწოდებული საქონლის ექსპერტიზა შესაბამისი სამსახურის მეშვეობით. ექსპერტიზასთან დაკავშირებული ხარჯები ანაზღაურდეს მიმწოდებლის მიერ;
- 8.2. შემსყიდველი ვალდებულია უზრუნველყოს მიმწოდებლის მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 8.3. მიმწოდებელი უფლებამოსილია მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 8.4. მიმწოდებელი ვალდებულია:
- ა) მიაწოდოს საქონელი სათანადო ხარისხით და სრული მოცულობით, ხელშეკრულების მე-6 და მე-7 მუხლების შესაბამისად;
 - ბ) უზრუნველყოს საქონლის მიწოდება დანართი N1-ის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს;
 - გ) შემსყიდველის მოთხოვნის შემთხვევაში მიაწოდოს შესყიდვის ობიექტთან დაკავშირებული ინფორმაცია და დოკუმენტაცია;
 - დ) იმ შემთხვევაში, თუ მიწოდებული საქონელი მიწოდების დროს ან/და მიღება-ჩაბარების აქტის გაფორმების შემდგომ, ვარგისიანობის ვადის მოქმედების პერიოდში ნაკლის მქონე აღმოჩნდება, დაუყოვნებლივ აღმოფხვრას ნაკლი ან შეცვალოს იგი ახლით შესაბამისი შეტყობინებიდან 2 (ორი) კალენდარული დღის ვადაში.

9. ხელშეკრულების შესრულების კონტროლი

- 9.1 ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ ხელშეკრულების დადების მომენტისათვის შესაბამისად განსაზღვრული პირი - შპს „ქ. ბათუმის რესპუბლიკური კლინიკური საავადმყოფო“-ს აფთიაქის გამგე გურამ სურმანიძე;

9.2. ინსპექტირება გულისხმობს ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს;

9.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

10. მხარეთა პასუხისმგებლობა ხელშეკრულების პირობების შესრულებლობისათვის

10.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შესრულებლობისას, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები;

10.2. მიმწოდებელი იღებს ვალდებულებას შესყიდვის ობიექტის (ნაწილის) მიწოდების ვადის დარღვევის შემთხვევაში გადაუხადოს პირგასამტეხლო შემსყიდველს შესრულებელი ვალდებულების ღირებულების 0,2%-ის ოდენობით, ყოველ ვადაგადაცილებულ დღეზე;

10.3. მიმწოდებლის მიზეზით ხელშეკრულების არაჯეროვნად (შესყიდვის ობიექტის ნაწილის არასათანადო ხარისხით ან სხვა პირობების დარღვევისათვის) შესრულების შემთხვევაში, მიმწოდებელი დაჯარიმდება ხელშეკრულების საერთო ღირებულების 4 %-ის ოდენობით;

10.4. საჯარიმო სანქციით დაკისრებული თანხა მიმწოდებლის მიერ გადახდილი უნდა იქნას აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში, შემსყიდველის გადაწყვეტილებით პირგასამტეხლოს თანხის დაკავება შესაძლებელია განხორციელდეს მოწოდებული საქონლის ასანაზღაურებელი ღირებულებიდან;

10.5. პირგასამტეხლოს გადახდა არ ათავისუფლებს მიმწოდებელს ხელშეკრულების ძირითადი ვალდებულებების შესრულებისაგან;

10.6. შემსყიდველი ორგანიზაციის მიერ მე-4 მუხლის 4.2. პუნქტით განსაზღვრული პირობის დარღვევის შემთხვევაში, მიმწოდებელი უფლებამოსილია მოითხოვოს, ხოლო ასეთ შემთხვევაში შემსყიდველი ვალდებულია გადაიხადოს პირგასამტეხლო ასანაზღაურებელი თანხის ღირებულების 0,1 %-ის ოდენობით.

11. ხელშეკრულების შეწყვეტის პირობები

11.1. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

ა) იმ შემთხვევაში, თუ საჯარიმო სანქციების ჯამური თანხა გადააჭარბებს ხელშეკრულების ღირებულების 4%-ს;

ბ) მიმწოდებლის მიერ ხელშეკრულების მე-5 მუხლის 5.5. პუნქტის დარღვევის შემთხვევაში;

გ) თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;

დ) თუ „შემსყიდველისათვის“ ცნობილი გახდა, რომ მიმწოდებელი, სხვადასხვა მიზეზებიდან გამომდინარე, (რომელიც არ არის დაკავშირებული შემსყიდველ ორგანიზაციასთან) ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) „მიმწოდებლის“ გაკოტრების შემთხვევაში;

ვ) მიმწოდებლის მიერ ხელშეკრულების მე-6 ან მე-7 მუხლებით გათვალისწინებული მოთხოვნების დარღვევისას ან/და მე-8 მუხლის 8.4 პუნქტის დარღვევის შემთხვევაში.

11.2. ამ მუხლის 11.1 პუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება, მიმწოდებლისთვის დაკისრებული პირგასამტეხლოს თანხის გადახდის შემდეგ (ასეთის არსებობის შემთხვევაში).

12. ხელშეკრულებაში ცვლილებების შეტანა.

12.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი ცვლილებების გარდა;

12.2. წინასწარ გაუთვალისწინებელი მიზეზების გამო თუ წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ და ცვლილება ხელშეკრულებაში შეტანილად ჩაითვლება მეორე მხარის მიერ ცვლილებაზე ხელმოწერის შემდეგ;

12.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ;

12.4. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, „სახელმწიფო შესყიდვების შესახებ“ საქართველოს კანონისა და სხვა კანონქვემდებარე ნორმატიული აქტებით დადგენილ მოთხოვნათა გათვალისწინებით;

12.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა;

12.6. ხელშეკრულებაში ნებისმიერი ცვლილება უნდა გაფორმდეს ხელშეკრულების დამატებითი შეთანხმების

სახით, რომელიც ჩაითვლება ხელშეკრულების განუყოფელ ნაწილად.

13. ფორს-მაჟორი (დაუძლეველი ძალა)

13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

13.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდა ფორს-მაჟორული გარემოებების ზეგავლენისაგან.

14. სადავო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

15. ხელშეკრულების ენა

15.1. ხელშეკრულება შედგენილია ელექტრონული ფორმით ქართულ ენაზე, რომელიც ხელმოწერილია/დამოწმებულია მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

16. ხელშეკრულების მოქმედების ვადა

16.1. ხელშეკრულება ძალაში შედის მხარეთა მიერ ელექტრონული ხელმოწერის მომენტიდან და მოქმედებს 2020 წლის 13 იანვრის ჩათვლით.

17. მხარეთა იურიდიული მისამართები და რეკვიზიტები

შემსყიდველი

შპს „ქ. ბათუმის რესპუბლიკური
კლინიკური საავადმყოფო“
ქ. ბათუმი, ტბელ აბუსერძის ქ. №2
ანგარიშის № GE53VT 5500 0000 0018 3408
საიდენტიფიკაციო კოდი: 245 428 880
მიმღების ბანკი: სს „ვითიბი ბანკი ჯორჯია“
ბანკის კოდი: UGEBGE22

მიმწოდებელი

შპს „ვესტფარმ“
მის: ქ. ქუთაისი, ჯავახიშვილის ქ. #85
ანგარიშის № GE59VT 0500 0000 0613 3602
საიდენტიფიკაციო კოდი: 212 699 720
მიმღების ბანკი: სს „ვითიბი ბანკი ჯორჯია“
ბანკის კოდი: UGEBGE22

დირექტორი
მალხაზ ხალვაში

დირექტორი
არჩილ ბენიძე

ფასების ცხრილი

#	შესყიდვის ობიექტი	განზომილების ერთეული	რაოდენობა ან მოცულობა	ერთეულის ფასი	სულ ღირებულება
1	ნატრიუმის ბიკარბონატი (დიაბოქსი) (650გრ. კასეტა))	ცალი	90	12	1080
2	მჟავა კონცენტრატი K3 (100 ლიტრაზე)	ცალი	4	173,34	693,36
3	ლიმონმჟავა 50% 10 ლიტრი	ცალი	2	93,34	186,68
4	გრანულირებული მარილი 25 კგ.	ცალი	2	60,00	120
ჯამი					2080,04

ხელწერილი

ინტერესთა კონფლიქტის არარსებობის შესახებ

ქ. ბათუმი

----- ნოემბერი 2019 წ.

შპს „ქ. ბათუმის რესპუბლიკური კლინიკური საავადმყოფო“-ს დირექტორი მალხაზ ხალვაში და ამავე დაწესებულების აფთიაქის გამგე გურამ სურმანიძე ვადასტურებთ, რომ შპს „ქ. ბათუმის რესპუბლიკური კლინიკური საავადმყოფო“-სა და შპს „ვესტფარმ“-ს შორის, შესყიდვის ობიექტის (CPV24300000) სახელმწიფო შესყიდვასთან დაკავშირებით, საქართველოს 2005 წლის 20 აპრილის „სახელმწიფო შესყიდვების შესახებ“ საქართველოს კანონის მე-8 მუხლის თანახმად, არ ვიმყოფებით ინტერესთა კონფლიქტში.

დირექტორი

მალხაზ ხალვაში

აფთიაქის გამგე

გურამ სურმანიძე